

230 89  
DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,\*

QUOD LIBETARIIS DISPUTATIONIBUS  
manè discutienda, in Scholis Medicorum, die Martis quartâ  
mensis Martii, anno Domini M. DCC. LXXXIII.

M<sup>o</sup>. LUDOVICO CYPRIANO DE MONTAIGU<sup>r</sup>, Doctore  
Medico, Præfide.

*Est-ne fœmina viro salacior?*

I.

CÆCUS est, qui virum & mulierem ejusdem naturæ  
participes esse non deprehendit. Cœcior adhuc multò,  
qui quantum inter se differant non animadvertit. Præ cæteris  
animalibus formâ conspicuus est homo. In illius tamen  
formâ dignitas inest, in hujus venustas. Decora utriusque  
species est. Mascula quidem formosa & illustris; verum fœ-  
minea cum quadam coloris suavitate affusam habet oculis &  
emicantem in ore toto gratiam, quæ perstringit simul &  
invitat aspectus. Conferatur virile corpus muliebri; longè  
procerius reperietur; quidni & robustius? Quod rigidioribus  
ossibus est innixum, valentioribus & strictioribus articulis  
firmatum, carne coagmentatum compactiori; validioribusque  
fibris & tendinibus cancellatim reticulatâ. Dispari quoque  
temperie gaudent. Quæ maris est, ignem & terram redolet;  
quæ fœminæ, aërem & aquam: hinc ille calidior & siccior;  
hæc frigidior & humidior: ille rudi & aspero contactu;

\* Propugata anno 1669, die Jovis 28 Februarii Præfide M. DOMINICE DE FARCY.

hæc blando, leni, lævique & æquabili. Per patentes cutis illius poros nonnisi acria & mordacia erumpunt; hujus blanda & suavia: illius caloris acrimonia tangentem ferit; hujus lenitas demulcet.

## I I.

**M**AGNUM est inter plantas (& si vis metalla & lapides) ratione sexus discrimen. Majus inter animantes. Primum nonnisi peritioribus agricolis & metallicis planum. Alterum non cuilibet primâ fronte pervium: sed ut dignoscatur, investigatione indiget. Ultimum sese ultrò oggerit: adeo vultu dissimiles sunt vir & mulier; status corporis in utroque dispares; partium genitalium structura alia atque alia. Fabula est, Androgynum dari ex tam dissimilibus conflatum. Illusio, Hermaphroditam, sulcum & vomerem habere ad arandum aptum. Commentum, mulieres in mares converti. Inscitia, asserere generationis instrumenta naturâ eadem, situ diversa. Nonnisi ab his quæ prorsus aliena sunt, quæque aliter & aliter esse non possunt, pendet sexus. Hinc naturâ etiam ipsâ jubente, in tam contraria studia scinditur vir & mulier, ut alter laborare exoptet, altera recuset, alteri continuò intestina crepent, nulla crepitent alteri: non dubitet alter committere se periculo mortis, altera reformidet.

## I I I.

**S**ALACIUM fatum est, inclinatione voluntatis propendere in venerem. Vis & facultas, posse occasione datâ citius, frequentius, & cum minori detrimento Hymennem celebrare. Prærogativâ, præstitutum tempus Clinopales antevertere. Privilegium, ex ipsâ luctatione amatoriam majorem in animo latitiam, & suaviorem jucunditatis commotionem in corpore percipere. Ut eâ sit constitutione corporis homo, frustra artis & consuetudinis imploratur auxilium. Longè plura, eaque præstantiora quàm in hoc negotio utraque præstare

potest, requiruntur. Totum est hoc naturæ commissum officium; quæ sola novit modum, quo ea ex quibus constamus ita congruant inter se, ut adsit calida & humida corporis temperatio, salacitatis omnis inexhaustum penus; statura, contractam inter & extensam media; æstuantia calore generationis organa; intus potius recondita, quam prominentia; foris generis omnis vasa, crebra, multaque intexta, non quidem flexuosa & intorta, sed recto tramite ducta, quæ tantum Aphrodisiasmum promovere valeant, quantum illa retardare.

## I V.

**R**ARA avis, frigida mulier. Frequens, vir veneris impotens. In promptu res est, à naturâ habet potiora ( quibus caret hic ) libidinis adjumenta. Corpus blando & halituoso calore perfusum, copiosi humoris sæturâ; turgidum, multitudine cœcorum cutis spiraculorum non enervatum, ob proceritatem non elumbe; sed convenientissimo partium commensu vividum. In genitali mulieris arvo ardet continuo focus: cui temperando nedum restinguendo ni providisset natura, assiduo per circuitus redeunte sanguinis profluvio, brevi medios inter ignes animam exhalaret: inter quos suis conceptaculis conclusus genitalis humor, adeo catullit, titillat, & prurit, ut nullo puncto temporis intermisso, vel invitas ad amplexus sollicitet: his celerius, frequentius, & cum minori virum jacturâ potiturus, quanto paucioribus gyris & anfractibus intorta sunt ipsis vasa seminalia quam viris; quibus diversi atque multiplices eorundem vasorum flexus & mœandri, validos contra libidinis impetus frenos injiciunt.

## V.

**O**BSITAM sui mulierem facilius reperias, quam salacitatis. Exl. x est & *ἄλογος* in eâ libido quæ statim expleri cupit, nec patitur moras. Astryanassæ sunt, quarum lascivia novos concubitûs modos quotidie comminiscitur. Non desunt

& Messalinæ, quæ resupinæ jacentes absorptis multorum ictibus lassatæ quidem viris sed non satiatae recedunt. Nec infrequentes Dionysiæ, quarum in octavâ lascivia surgere messe cœperat, & dulces fingere nequitias. Inclamantes etiam sæpius audiuntur Quartillæ; Junonem meam iratam habeant, si unquam me meminerim virginem. Quid plura? Mulieribus datum genialibus in ludis amatoriam voluptate dissolvi; negatum viris. Horum lætitiæ sequax est dolor, hæresque tristitiæ; illarum contra gaudiis, succedunt nova. Virorum statim tristis languescit amor; mulierum remissionis vix patiens flamma, veneris aliud undè continuò nutriatur pabulum semper arcessit vorax.

*Est ergo fœmina viro salacior.*

#### DOMINI DOCTORES DISPUTATURI.

*M. Phil.-Alexander BACHER. M. Joannes - Jacobus NOLLAN.*

*M. Pet.-Josephus MACQUER, Regiæ Scientiarum Academiæ Socius, in horto Chemicæ Professor, & Censor Regius. M. Joannes - Maria - Franciscus LASSONE Eques, Regis in Sacro Consistorio Consiliarius, Regis ab omnibus Consiliis; Archiatrorum comes; Serenissimæ Reginæ Medicus Primarius; & Regiæ Scientiarum Academiæ, Universitatis Medicinæ Montpelienfis Doctor aggregatus & honorarius, Regius Librorum Censor, &c.*

*M. Cla.-Andreas GOUVELLY, Rei Herbariæ Professor in Supremo Senatu Patronus.*

*M. Benjam. - Michael SOLIER DE LA ROMILLAIS, Pathologiæ Professor.*

*M. Petrus BERCHER, Antiquus Facultatis Decanus, Regiæ Hispaniarum Infantis, dum viveret, necnon Regii exercitiis ad Infirmitum Rheum in ultimo bello Medicus primarius.*

*M. Antonius Laurentius DE JUSSIEU, Eques, Regi à Consiliis & Secretis, Regiæ Scient. Academiæ Socius, in horto Regiæ Botanices Professor & p-odemonstrator.*

*M. Claudius LAFISSE.*

Proponebat Parisiis MATHÆUS GERAUD Claromontanus, Saluberrimæ Facultatis Medicinæ Parisiensis Baccalaureus.

A. R. S. H. 1783. AB OCTAVA AD MERIDIEM.

Typis QUILLAU, Universitatis & Facultatis Medicinæ Typographi, 1783.